

東華續錄

同治朝

卷七之十

第三冊

K2



霖信田內有賢母投杼未經十年何遽忘之之語投杼一語尙可意揣十年之說保屬何事王金奎等所爲水落石出究指何事而言其僞書三件如何奪復卽著勝保詳細覆奏毋稍含混至楊飛熊一軍前奉旨令其赴甯爲張曜援應日久未赴槐店並非該副將之過且該副將與黃得魁同爲勝保檄調黃得魁未據該大臣參奏而請將楊飛熊摘頂拔翎殊失土心見已據鄭元善檄調前赴槐店卽著該撫催令迅速前往將此由六百里各諭令知之○諭勝保奏圍穎賊勢甚重見仍督飭各軍進剿一摺另片奏查明逆情賊勢並奪獲僞書及苗沛霖原稟一併呈覽各等語圍穎髮捻各匪知大軍分路進援設法牽掣勝保屯紮太和兵力不敷策應成祿一軍距穎城雖不過數里而賊勢太盛尙未能直抵城下李續宜派調援穎之成大吉等軍前已由固始進發何以尙無抵穎消息著官文等嚴催成大吉等星速前進直搗南賊營以期會合來擊迅解重圍毋得再事遷延致干重罪據勝保奏苗沛霖專人赴營稟稱感恩知悔仍欲圖報國家一俟練眾調齊卽由正陽至穎上先攻張格刑老巢再率所部共解穎圍勝保見辦有端倪請飭楚軍暫緩進剿苗練等語苗沛霖陰蓄異謀已非一日此次遣人赴營保處投遞稟函必因畏楚軍攻剿故作此緩兵之計著官文等密飭成大吉等如進兵道路經過苗營苗沛霖果能率眾先驅協助官軍奮勇剿賊尙可暫緩進攻儻敢恃眾抗拒俾道路不得疏通或伴爲反正察其打仗情形並不十分出力卽著據實奏明督軍剿辦至勝保奏探聞狗逆欲挾廬州之眾會合逆捻分犯陝豫該逆性情狡猾不可不先事豫防著官文曾國藩袁甲三迅籌添派兵勇會同多隆阿各軍圍攻廬郡務將陳玉城設法殲擒毋令乘間脫逃致重擾正陽剿辦重煩兵力其巢湖一帶並著官文曾國藩等選派水陸將弁扼截斷其接濟陳逆僞書三件並著鈔給閱看將此由六百里各諭令知之○前任雲貴總督劉源灝以病乞休允之○加賞普濟堂功德林賑米二百石展期兩月○甲申諭議政王軍機大臣等賈臻奏賊匪聚穎郡請飭各路援軍分道並進就地剿除等語據稱穎郡被困已久旬日以來賊先於東西南三面各將長壕填平數段作進撲城關之勢經參將馬升等分路包鈔頗有擒斬連日探聞淮北捻匪五旗並出徐宿蒙亳一帶守巢之賊無多有南禦楚師者有東堵苗練者要以北拒勝保前敵之賊爲最眾而城外賊數仍不加少此時粵捻交乘賊數之多無過於今日然聚羣不逞之徒於穎郡一隅我以兵練環其外因利乘便爲聚而殲旃之計似事機易於措手亦無過於今日所陳不爲無見目下北軍攻其西楚師擊其南苗練襲其東已有三面圍困之勢若由僧格林沁派令西凌阿馬隊由毫抵穎以鈔其北該逆股數雖多已成阱獸釜魚之勢而豫省徐宿諸軍各就近攻取以分賊勢網令再赴張落洲之約遠出滋擾著李續宜迅催成大吉等軍分道進逼再內彙甲三多派勇

也速知照李世忠帶兵水

陸並進由懷遠以達潁州以壯聲威而備策應城圍一解諸逆亦可就地肅除較之分路

屬事半功倍著僧格林

沁勝保袁甲三李續宜鄭元善毛昶熙審度機宜派撥官軍併力合擊務將賊匪悉數殲除事機可乘慎毋遷延歧視是為至要見在援師雲集賈臻惟當激勵將士靜候援兵善銳而剿以收內外夾擊之效至賈臻所陳賊匪填壕蓋土種種詭譎情形並著該大臣等飭令督兵將帥務加意防範毋致墮其術中方為妥善將此由六百里各諭令知之○乙酉諭

內閣本日恭奉 母后皇太后 聖母皇太后恭詣田村 皇妣孝德顯皇后几筵前奠酒禮成瞻慕 遺徽莫名愴惻

因念后族承恩世爵於乾隆年間恭奉 諭旨俱改為三等承恩公 皇妣孝德顯皇后母家業於道光三十年奉 旨

照例追封承襲公爵惟朕前因 母后皇太后 聖母皇太后親裁大政 撫育親躬宵旰 恩勤靡可殫述於推封之

典未敢拘泥成例茲復欽奉 母后皇太后 聖母皇太后懿旨以 皇妣孝德顯皇后為 皇考文宗顯皇帝元后逮

事 皇曾祖妣孝和睿皇后暨 皇祖宣宗成皇帝 皇祖妣孝靜成皇后均克親承色笑仰得 歡心允宜逾格推恩

用示子臣尊崇至意朕仰承 慈訓倍切永思 皇妣孝德顯皇后之第三等承恩公德懋著晉封為一等承恩公特彰

優眷以篤尊親○前任直隸總督恆福卒子祭葬諡恭勤○丙戌 上詣 大高殿祈雨○子前翰林院編修林春溥重

與恩榮宴賞四品卿銜○丁亥議議政王軍機大臣等薛煥奏青浦逆匪圍撲泗涇營盤經遊擊林叢文參將李恆嵩等

會合迎剿洋人華爾率領洋槍隊助戰斃賊無算泗涇之圍立解惟打鐵橋劉夏鎮王家寺等處逆眾仍踞聚不退誠恐

李逆大股踵至各防久戰力疲援師未至深屬可慮等語上海為餉源所自出關繫大江南北軍務最為緊要見難得洋

人助力疊次獲勝而賊蹤尚未遠遁且據薛煥片奏有曾秉忠自洙涇敗退後又復失利見已潰至西馬港地方距松江

僅止十二里之語薛煥本不知兵曾秉忠前已革職交曾國藩軍營差委見在滬上並無帶兵大員足資倚任松滬門戶

在在可虞著曾國藩迅催臬司陳士杰趕緊率領所部馳赴上海並迅催李鴻章赴鎮毋稍遲誤至曾秉忠所署江南提

督一缺並著曾國藩仍遵前旨揀派得力鎮將即飭赴滬接統所帶兵勇整頓該處軍威一振可以迅掃賊氛藉保餉

源而維大局至陳士杰李鴻章等分抵滬鎮後務即飭知該員等妥為籠絡洋人俾為我用將此由六百里諭令知之○

諭袁甲三奏會合楚軍規取廬郡一摺見在多隆阿前敵營盤已紮廬郡城南之七里站袁甲三派出之副將徐鵬等亦

由橫店等處進紮高橋及十三里古墩官軍愈逼愈近逆匪分股來撲經遊擊張得勝等截擊獲勝南北兩路軍威已振

其東路之巢縣亦經練總舉人李蓮等將柘皋烟場河克復杜賊來援之路惟西路穎壽各匪勾通廬賊並有苗沛霖將

白確運赴廬城之事沿途團練亦尚有接應之人不可不嚴密堵截著袁甲三嚴飭各路練總隨時查拏務獲懲辦苗沛霖居心叵測進攻頤上之舉未可深信博崇武依附苗沛霖本不足特見在該總兵帶同苗練進至頤上之劉家集與捻逆接仗並著袁甲三嚴飭博崇武迅督所部兵勇催令苗練前進會同援剿各軍力解城圍如再不知愧悔即著從嚴參辦廬城大而堅此時南北兩路兵力尙難合圍西面更覺空虛必須將該處練圩分別招撫藉以補兵力所不逮著該大臣密飭該將弁等迅速妥籌斷絕廬城接濟並須斷絕賊援則剿辦更易得手其李相臣賊圩經官軍四面圍攻不難立拔惟逸出之丁蘭臣亦係著名巨捻見既糾黨屯聚張家集著該大臣分飭將弁迅速剿除毋令他竄至該大臣所稱張得勝鈔錄楚軍搜出粵賊余安定自壽州致廬賊信內有苗沛霖運硝千斤赴廬接濟等語其信內是否實係苗沛霖所致信內有無月日致信係何時之事著袁甲三迅將原由鈔錄呈覽將此由六百里諭令知之○諭薛煥奏泗涇剿賊獲勝七寶各營屢獲勝仗曾秉忠一軍未能制勝見飭各營就近援應待曾國藩援師到後庶可立轉危機等語本日業經寄諭曾國藩催令臬司陳士杰等軍迅速赴涇助剿見在涇涇爲賊占踞不特松江喫緊即上海亦應嚴防曾國藩所派援軍未到之前著薛煥隨時相機調度力遏兇鋒不得坐待援師致有貽誤曾秉忠前已有旨革職交曾國藩差委著即行派委將弁將其敗眾妥爲統馭毋令滋事薛煥前奏華爾顯隸中國改用服色等語是否確實見又等如所請賞給副將銜該洋人究竟能否感激領受並著據實具奏將此由六百里諭令知之○戊子曾國藩奏本年正月 皇上特授李元慶浙江鹽運使旋擢臬司諭旨令臣轉飭該員奮勇立功以贖前愆查李元度前於咸豐十年徽州失守案內經臣奏奉諭旨革職等因該員並不靜候審訊擅自回籍迨浙江巡撫王有齡奏調赴浙李元度亦不具稟請示即行募勇起程名曰安越軍旋於義甯案內經官文奏奉諭旨實還按察使原銜又於奉新瑞州案內經欽科奏奉諭旨實加布政使銜其失守一案仍令臣酌覈查辦查義甯案新瑞州係賊匪先自退出李元度並無打仗克復之事乃敢冒稟邀功實出情理之外臣所以不遽參奏者因其軍以安越爲名原冀其顧名思義積愧成奮或能舍命救浙有裨時局也乃李元度六月至江西八月抵廣信九月抵衢州節節遲留任王有齡羽檄飛催迄未赴杭救援是該員前既負臣委任又有虧法有難寬情亦難恕所有該員補援浙江鹽運使按察使及開復原銜加銜之處均請飭部註銷仍行革職姑念其從軍多年積勞已久免其治罪交左宗棠差遣該員治軍一味寬縱多用親族子弟所部安越軍八千人臣當與左宗棠熟商或全行遣撤另派差委酌量二三千人令守城池俟立有功績再由左宗棠奏請開復臣奏保在前給亦難辭應請旨將臣交部議處 上 大略浙江按察使李元度前因

徽州失守奉

旨革職學問旋據官文等奏稱該員於義甯等處剿匪出力疊經加恩

仍諭令會同藩將失守之案酌覈查辦並因該員在浙江龍游等處帶兵剿賊先後降旨將該員補授浙江鹽運使並升授

按察使以資鼓勵茲據官國藩奏該員前於革職以後並不候訊擅自回籍其義甯奉新瑞州等處賊匪皆係自行退出該

員並未打仗輒敢捏稟冒功迫上年秋間由廣信抵衢州後經王有齡羽檄飛催並不赴援實屬法所難宥請將該員革職

念其從軍多年積勞已久請免其治罪交左宗棠差遣並因奏保在前目請議處各等語李元度著即行革職加恩免其治

罪仍交左宗棠差遣以觀後效官國藩並著交部議處○諭鄭元善奏勇目失利逃遁一摺投誠勇目參將宋懷詩隨同勝

保剿賊失利輒敢不候軍令率眾逃遁實屬目無法紀宋懷詩即行革去參將著鄭元善督飭派員妥辦宋懷詩前在山東

投誠疊經諭知勝保妥為辦理勝保不察情偽力主撫議迫該勇目離營逃遁為時已閱兩旬復不即行奏報顯係意存同

謀尤屬非是勝保著交部議處以示懲儆○諭總理各國事務衙門奏請飭地方官於交涉教民事件迅速持平辦理一摺

前據該衙門具奏法國天主教原以勸人行善為本康熙年間曾經准行是以降旨令地方官妥為辦理茲據該衙門奏稱

前次明降諭旨之後復經該衙門行文各省遵照辦理各省地方官於奉文後未盡認真妥辦等語著各省督撫轉飭地方

官照依此次所奏於凡交涉教民事件務須迅速持平辦理不得意為輕重以示一視同仁之意○諭議政王軍機大臣等

僧格林沁等奏攻剿金樓賊寨情形前飭調赴勝保軍營馬隊未能派往鄭元善奏勇目宋懷詩率眾逃遁派兵追剿各一摺前因勝保兵力不敷諭令僧格林沁派撥馬隊前往槐店助剿茲據僧格林沁奏稱見攻金樓未下兼須扼賊北竄在營馬隊萬難抽撥所有前調馬隊著准其暫緩派往勇目宋懷詩因該部眾疊次抗拒輒敢擅向陳州撤退並句約派駐陳州之誠順三營馬步同進追鄭元善派員開導初以餉絀為詞旋復乘夜率眾向蘭儀一帶遁去似此反覆無常而勝保前在山東力主招撫迨經逃遁復敢心存回護不即據實具奏已明降諭旨將該勇目斥革並將勝保交部議處矣至該勇目率領多人擅自離營所稱沿途並無騷擾斷難憑信見向蘭儀東北一帶逃遁其為闖入直境抑或竄回山東均未可定該降眾本皆犷悍之徒投誠以後輒敢反覆斷難再事姑容鄭元善已派員勝營全隊及副都統明慶馬隊追剿並著勝保諱廷襄遮範布派撥官軍沿途攔截合力兜擊務將宋懷詩等悉數肅除毋得信其安分歸農之語縱令歸巢致貽後患其誠順營降眾折回陳州後是否可用仍著勝保鄭元善妥為防範毋稍大意勝保進剿潁州能否得手副將楊飛熊知府李徵松等軍鄭元善業已調往陳州即著催令前進為勝保後路聲援該撫俟剿辦宋懷詩得有頭緒亦即速赴陳州相機援應

毛昶熙攻剿金樓久未得手見經僧格林沁督兵剿辦毛昶熙仍應率勇策應毋得藉口卸責其鄒縣等處教匪會匪既經僧格林沁分派總兵扎隆武都統西凌阿等剿辦即著督飭該總兵等實力進攻速殲醜類曹州等屬水套匪徒業經陸續投誠應辦善後事宜並著譚廷襄等妥爲經理北路無重兵防守僧格林沁仍須妥籌兼顧不可爲金樓賊案所牽掣將此由六百里各諭令知之○曾國藩奏 聖奉諭旨飭催分路進兵所有旬日軍情謹分條具報一曾國荃募齊新勇分立營頭業經抵皖所募新營亦次第將到 擬令於二月十四日率領各營進攻巢縣含山一帶一李鴻章新募准勇暨調撥湘勇均已募練成軍見擬籌給銀米令於三月初二日自安慶起程會同曾國荃攻剿江邊一路於巢縣含山和州之屬但能攻克一城仍以曾國荃一軍圍攻他城李鴻章即傍城街過以期迅速鎮江一偽英王四眼狗堅守廬州令苗沛霖與捻匪連和西圖廬州東援廬州頃據多隆阿接復苗營與狗逆偽苗沛霖又與逆首張落刑構疊苗黨不得志於竊必將以全力援廬一李續宜於二月初九日行抵安慶與 籌商一切即將進紮六安其派援廬州之成大吉蕭慶衍兩軍已先後行抵固始離廬州不過百餘里援剿情形由李續宜自行具奏一左宗棠一軍自肅清開化後即進攻遂安二月初九日分路進剿大獲勝仗克復遂安縣城聞僑侍王將圖衢州左宗棠撥兵畱守遂安自率大隊進援衢州其詳細戰狀應由左宗棠自行奏報一諭旨垂詢蔣益澧赴浙較遠是否必應守候抑或別有勁旅可籌目下兵勇不敷分布實無別項勁旅可以調派赴浙仍須俟蔣益澧到後始能合力兜剿頃接蔣益澧來稟尙須親赴廣東索取餉銀抵浙日期殊難豫定一浙江湖州陷入重圍久無信息見據各處探報道員趙景賢尙在湖城極力支持屢次出城擊賊獲勝該郡賈尙無恙惟孤懸賊中無路赴援徒深憂憤聞城中米糧尙足支五箇月或可保全一徽州解圍後績溪等處之賊分踞歙縣東南四五十里外時時窺伺郡城 以張連蘭一軍人數較多改令朱品隆接防徽州騰出老湘營五千人爲遊擊之師本月十四日石太股匪復竄入羊棧嶺燒燬民房數處僞犯夥城十五日老湘營馳往堵剿南抵漁亭該逆仍退出嶺外不敢深入日前歇休夥夥一帶必不可少此一支遊兵朱品隆既換防徽城卽不能出嶺與鮑超合力進剿鮑超久攻青陽爲堅城所阻不能遽抵甯國終難掣動浙中賊勢以上各條皆疊奉諭旨垂詢之件謹分晰具陳李續宜奏 於二月初九日馳抵安慶應行覆奏事件謹分別具陳一 派援廬州之蕭慶衍成大吉兩軍於二月初一初五等日先後馳抵固始距廬州僅一百八十里因米糧子藥無多尙須設法購買 已催成大吉等趕緊辦齊星速赴廬迅解郡圍一浙江全省糜爛奉旨飭 精選一兩營迅赴浙江歸左宗棠調遣惟 所部各軍畱三支在湖北分防襄陽德安麻城若再撥三支分 固始六安則進剿之師頓

形不足審時度勢實難撥營赴浙臣見與督臣曾國藩熟商擬俟皖北軍情稍鬆再撥大支臣訪派助剿皖南浙江臣希勝

疆奇奏報甚稀本無可辭之咎惟臣拙於詞論前在湖北應奏事件多係咨請官文辦理見與曾國藩同事一方凡商行事

宜擬懇 天恩准臣即請曾國藩具奏 上諭據曾國藩奏馳陳近日軍情分條具報復據李續宜奏覆陳飭籌事件各一

摺覽奏均悉賊匪麇聚廬州亟盼各軍會合四面兜圍爲一鼓殲擒之計曾國藩募勇業已抵皖即著曾國藩飭令迅速統

帶各營進攻巢縣含山一帶遶爲攻廬各軍聲援袁甲三並須派兵助攻廬城其張落刑等各路援賊均須分兵斷絕以期

速克李鴻章既募勇成軍著俟巢含和一城克復後即催令傍城衝過速達鎮江毋稍延緩四眼狗堅守廬州令苗沛霖與

捻匪連和據多隆阿搜獲苗營與狗逆偽函有苗沛霖與張落刑構變情事苗沛霖心存叵測其共解額圖之說本不足信

惟既與張落刑結怨一櫛相持或可併除一害本日李續宜奏稱大舉征苗應俟廬州克復以後亦不過稍緩須臾斷不至

墮其奸計額州待援孔亟成大吉肅慶衍兩軍既已行抵固始著李續宜飭令迅募建兵以解額圖不得以購買米糧火藥

爲詞遷延觀望致誤事機其賈臻辦事竭蹶安報軍情及徐曉峰張學醇參款著俟額州解圍後一由李續宜會同袁甲

三分別確查參辦左宗棠已抵衢州漸可爲攻復杭城之計著曾國藩即迅催蔣益澧全軍赴浙以期合力兜剿湖州孤懸

賊中趙景賢尙能極力支持堅守待援情鮑超兵頓青陽不能遽抵甯國朱品隆一軍又不能出嶺會合著曾國藩飭令該

提督速行進攻應否添兵助剿即著酌辦李續宜所部各軍分防各路尙形不足著俟皖北軍情稍鬆再與曾國藩商撥勁

旅助剿皖南浙江以資得力至李續宜請應奏事宜由曾國藩具奏會同藩身任兼圻皖省本兵所轄嗣後如遇應行陳奏

事件仍著循照向章會同曾國藩具奏如有軍情緊要不及會銜之件即仍由李續宜單銜馳奏勿庸拘泥本日據周寬世

奏請開缺專事剿賊已明降諭旨准其赴曾國藩軍營差委此時湖南邊境在在尙須籌防未可遽云一律安靜該提督必

欲舍其本任意思出勦立功是否奮勉出力抑係有激而爲著俟到營後由曾國藩察看據實具奏將此由六百里各諭令

知之○諭傳諭欽差大臣勝保曾國藩奏據多隆阿由稱廬州獲勝略陳梗槩並據多隆阿接獲苗營與狗逆偽函一件鈔

錄呈覽等語苗黨致書狗逆詞極卑順此函即係手下人所爲苗沛霖亦不得諉爲不知昨據官軍交出粵賊余安定自壽

州致廬賊信函有苗沛霖連硝千斤赴廬接濟等語苗沛霖狼子野心本未必速爲我用該大臣見其與張落刑爲仇逮信

其真心就撫不知其暗中勾結陳玉城密通消息其害尤大如該練竟能殲除張落刑則其勢益張更須加意防範該大臣

向以誠信待人恐苗沛霖奸計不可不慮見在苗練與張落刑相持無論孰勝孰負該大臣總當自固藩籬未可稍涉大

意致有疏虞苗黨僞由著鈔給閱看將此由六百里諭令知之○諭慶端奏逆匪分竄溫衢兩郡截擊獲勝並相機戰守一摺龍游壽昌遂昌各賊分路上竄衢州雖經李定太派兵迎擊獲勝並未痛加剿除於軍務大局何補李元度於失陷嚴郡獲咎後不候留國藩審訊竟自募勇赴浙捏報克復義甯等城迨由江西率師援浙復節節逆留以致杭城失陷厥罪甚重該革員治軍一味寬縱所部勇丁多用親族子弟即著左宗棠會同留國藩嚴加甄汰分別去留此時衢州江山等處正當防剿喫緊之時慶端已移營浦城左宗棠已進駐開化一切防剿機宜自可就近商辦並著左宗棠派兵於江山常山各要隘嚴密防堵如該處兵力不敷分布即著慶端撥兵援應毋令逆匪上竄廣信致滋蔓延至衢處兩路防剿情形前經慶端飭令李元度進攻龍游復令改攻壽昌並令署總兵崇志及總兵李定太挑兵接攻龍游以總兵林文察攻擄金蘭旋復令林文察等改攻處郡又將李元度一軍撤回衢郡回防江常復又令林文察等進紮龍泉旋將林文察一軍改攻遂昌令李定太派隊夾擊號令無常朝更暮改李元度一軍既因撤回衢郡致逆匪紛紛上竄其進攻龍游壽昌遂昌各軍亦並未與賊接仗見在大股賊匪即由龍游等處分路而來遂昌等處進剿之兵何以未經堵禦如有退避貽誤情形即著左宗棠查明參奏此時青田縣城又為賊匪竄陷前次疊據慶端奏稱派兵進攻處郡何以青田失陷又未經移兵往剿此時處郡賊氛連及溫州瑞安泰順一水可通松陽等處之賊擾及雲和逼近閩疆溫州復有大股賊匪侵犯慶端務宜實力籌防仍嚴飭各路帶兵文武各員力籌進攻毋得再以布置空言一奏塞責坐誤事機溫郡為閩省北路門戶秦如虎兵力尙單如不敷防剿即著該督添兵援應該郡團練尙屬可用並著飭令地方官聯絡聲勢以資防堵至溫處兩郡毗連閩疆賊匪儼聚集大股竄入閩境勢將益形滋蔓或繞竄廣信則衢郡後路又為賊匪包鈔左宗棠身任浙撫全省軍務皆宜統籌兼顧疊據該撫奏報籌辦情形僅止顧及衢郡一隅於溫處兩路總未籌及亦屬疏略該撫見已駐軍浙境所有溫處兩路軍務自宜妥籌布置與慶端隨時商辦務須嚴密堵剿毋令賊匪蹈瑕竄入閩疆致令大局潰裂是為至要將此由六百里各諭令知之○已丑清明節 上詣觀德殿 文宗顯皇帝几筵前行大祭禮○諭內閣浙江按察使見在簡用乏人著留國藩左宗棠於平日所知擇其才堪勝任並嫻軍務者不拘資格酌保數員候旨簡放○諭議政王軍機大臣等前據韓超因紳民公呈籲留田興恕毋庸赴川並請毋庸繳回欽差關防當諭駁秉章仍遵前旨檄催該提督入川剿賊本日復據韓超奏接駁秉章咨調田興恕帶勇赴川城廂百姓赴該提督行寓及該署撫衙門哀求鑾謁請仍准留田興恕在黔督辦軍務等語田興恕勇往善戰非獨當一面之才前因駁秉章奏稱該提督頗帶兵入川剿賊歸駁秉章請制是以降旨准行乃韓超再

三爲之懇請所稱黔匪未靖田興恕勢難遠離恐部將愆恤兵勇譁譟阻塞並民間攀援各情是否屬實著駱秉章與前次韓超懇留田興恕捐及紳民呈詞一併查明覆奏如該提督實係萬難離黔即著咨令督憲赴川備黔百軍務韓超可以接辦不必定須田興恕在黔辦理即著仍遵前旨咨催該提督迅速帶勇來川歸駱秉章節制以一事權該督惟當審度機宜據實覆陳毋涉遷就將此由六百里諭令知之○以防河事竣召聯捷回京○庚寅諭內閣自正月以來日星垂象雨澤愆期皆由修省未至感應之機捷如影響兩宮 皇太后朝乾夕惕惟日孜孜朕當益加寅畏以承 天眷其議政王及各部院大臣亦當交相策勉如有闕失必應隨時匡弼直陳無隱○左宗棠奏 軍由婺入浙三戰皆捷開化肅清時金華龍游之賊紛紛上竄距衢州府城江山縣城皆止數十里正擬親往援剿前隊甫抵常山據探首逆李侍賢賊令壽昌蘭谿各賊目糾約遂安縣城賊匪窺犯開化馬金爲長圍困我之計 遂撤隊回攻遂安二月初七日駐營遂安縣境見城西二十餘里楊村一帶皆紫賊館踞至之賊絡繹不絕初九日派道員王開來等率所部分路進攻均抵楊村賊列隊相抗各村皆負山依水賊沿兩岸而下同知劉璈先擊敗東岸之賊劉典率親兵繼之橫截而出各營奮力衝殺斃賊約數千名各營循岸窮追直至城南數里始行收隊殺斃溺斃之賊始以萬計生擒僞符天侯羅音等逆目數十名是夜派隊攻城賊已四散逃竄遂安縣城即時克復 於十三日雷老湘營二千五百人守城即拔營馳援衢州十五日已行抵常山縣璞石地方相機進剿 上諭左宗棠奏官軍克復遂安縣城一摺所有在事出力員弁著准其併入開化三捷案內擇尤保奏候朕施恩○諭議政王軍機大臣等沈兆霖奏籌辦撤匪情形一摺上年撤匪滋事因樂斌辦理草率以致蔓延貽患經該署督所派蒯劍閣相儒已帶兵行抵礪伯侯各路番兵到齊即相機進剿並擬親往礪伯一帶調度所籌布置各節均合機宜即著照所議辦理此次同賊滋事斷難悉數殲除若能擒其渠魁其餘原可量從末減馬京三一犯如能獻出則此事已有轉機但甘省營務廢弛恐啟回民輕視該署督務須設法整頓以收實效民團實有可用亦可激勵其氣以助軍威漢同起釁之故雖非滇省情形可比亦須秉公辦理俾漢回各得其平庶可知畏知感消其反側諒該署督必能籌畫萬全永靖邊陲也將此由六百里諭令知之○左宗棠奏查浙省列郡僅存衢州溫州湖州一府海南一州孤懸賊中存亡莫卜此時官軍從衢州入手則堅城林立既阻其前金嚴踞賊復擾其後孤軍深入餉道中梗斷無自全之理金華介衢嚴之中城堅賊眾軍若由金華進攻則嚴州之賊必由淳一帶潛出包鈔亦非安策 軍救浙似以依傍徽郡取道嚴州較爲穩妥惟臣軍不滿九千除分守遂安開化外隨 出戰者不過五千有奇微信防軍雖經曾國藩毓科奏明歸 調遣然兩處正在

戒嚴未可調以入浙其衢州之李定太一軍八千餘人江山之李元度一軍八千餘人雖數與軍相埒然均未足深恃前蒙皇上天恩准調蔣益澧劉培元兩軍來浙蔣益澧一軍積欠之餉非兩廣督臣速為清給難以成行劉培元新募經費非湖南撫臣速為發給亦難集事仰懇飭下兩廣督臣湖南撫臣速清兩軍欠餉發給經費行資俾得趕赴戎機上諭左宗棠奏官軍進攻遂安克復縣城即拔營馳援衢州並陳籌畫進取情形各一摺並據沈葆楨奏稱衢州被圍城外四面皆賊並有諸暨從逆之匪首何文慶力任攻衛臣並揚輔奇李侍賢亦率眾合圍玉山接濟之米石軍火等項皆為所阻各等語左宗棠於開化肅清後乘勢進克遂安其得先發制人之策惟浙省全局廢爛進軍之路最宜詳審金衢嚴皆屬上游衢州為江閩浙三省咽喉關繫甚鉅沈葆楨所稱必廣信衢州一帶先無意外之虞再由金嚴規取杭州方無絕我糧道阻我援師之患與左宗棠所見大略相同見在金衢賊氛滋蔓難越取省垣左宗棠所籌依傍徽郡取道嚴州之策自係實有見地即著相機迅解衛圍即圖進取毋令賊蹤踴阻並勿蹈輕進之失方為妥善江西玉山廣豐等處逼近賊氛防務倍形喫重著沈葆楨嚴飭各屬將弁認真防剿以固藩籬肅清左宗棠後路其左宗棠所設廣信後路糧臺應行協解餉項軍火並著設法源源籌解毋令缺乏將此由六百里各諭令知之○諭左宗棠奏官軍赴浙尚無確耗請飭催發給經費俾得迅速啟行等語見在左宗棠援剿浙江調遣需員必須蔣益澧劉培元各帶所部趕到方可分投布置若因餉項缺乏不能前進將來耽延貽誤將誰屬著劉長佑即飭蔣益澧趕緊拔隊前行其整裝銀兩及舊欠該營協濟之款著勞崇光迅為籌備俟該司到粵時照數發給催令星速前進毋稍遲延劉培元新募之勇是否業已成軍所需經費銀兩著毛鴻賓籌款撥給俾利進行左宗棠一軍見又克復遂安軍威大振專恃援軍雲集同時大舉諒各該督撫等均顧大局斷不至稍事遲緩也將此由六百里各諭令知之○吳榮奏據遊擊黃國瑞稟稱二月二十一日會商水師遊擊楊得榮等由南岸直逼眾興防賊出竄黃國瑞帶隊過河相度地勢修築營壘該逆忽分股萬餘來撲黃國瑞連開槍礮擊斃逆匪多名該逆旋即撤退又經黃國瑞由後疾擊賊股自相踐踏傷斃不計其數餘匪敗退回眾興等語時田在田已帶隊抵桃即即飛咨田在田并飭各將弁陸續渡河築營接應黃國瑞一軍並咨德榜額帶隊由上游滿北岸進剿二十二日晚間黃國瑞會同楊得榮姚廣武等襲破眾興西面賊壘四座殺賊百餘名二十三日夜間黃國瑞又商同楊得榮等水陸各隊齊擊賊營四更時抵賊頭圩該逆並無準備當即分路齊攻拋放火箭火毯乘賊不意攻克一壘殺賊二百餘名餘賊奔潰官軍跟蹤窮追他圩之賊各皆驚潰立即攻破賊壘七座追至眾興圩外適楊得榮礮船已到施放火箭焚燒圩房賊猶死拒各軍併力圍攻黃國瑞楊

得榮郭寶昌首先帶隊搶上賊圩各軍一擁而入賊勢不支紛紛敗退又經吳鳳柱等馬隊會合追殺十餘里斬賊無算救出難民婦女三千餘人於二月二十四日將眾與賊圩攻克。查此次擒殺東竄眾有數萬清淮各軍軍薄實不能制賊死命黃國瑞等攻克眾與皆恃礮船之力緣自南岸乘賊不備過河進剿及該匪大股來撲官軍進可以戰退則有礮船接應是以屢次偏剿均獲大勝又德榜額所部扼防濬溝一帶田在田所部並桃源團練扼紮南岸該逆東南兩路皆有牽制是以不能負隅久踞惟眾與雖克餘擒殺遁向未盡殲。已否德榜額田在田督帶各隊馳赴西路追剿並嚴飭淮安屬縣催築各鄉圩若堅壁清野以杜西捻覬覦。上諭眾與雖經攻克而餘擒殺遁向未盡殲且裹下河一帶未被蹂躪該匪未逞其欲難保不乘間再圖東竄吳棠見飭淮安屬縣超築各鄉圩若爲堅壁清野之計著卽嚴飭各該地方官將各處民圩催令一律築成杜賊窺伺所有駐紮清淮之水陸兵勇仍著吳棠隨時整飭嚴密防範毋得以賊氛漸遠稍涉大意將此由六百里諭令知之。○諭鄭元善奏清勇沿河西竄意聞北渡見飭馬步兵勇跟蹤追剿一摺據稱靖東營勇目宋懷詩前因剿賊失利率眾逃遁乘夜向蕭儀一帶潛竄副將巴揚阿督兵追至中牟宋懷詩膽敢列隊迎拒巴揚阿調隊包鈔槍斃該匪百數十名該匪奪路向西狂奔見在京水鎮一帶游駛等語宋懷詩降服前經勝保調赴皖豫軍營該勇不思殺賊立功擅自離營逃遁官軍追剿復敢列仗抗拒實爲國法所不容著鄭元善嚴飭巴揚阿督率各路兵勇跟蹤追躡盡力剿擊並著嚴飭西路各州縣鄉團及河北鎮道迎頭截剿毋任繞越紛竄宜惟該潰勇狼子野心詭譎叵測本皆亡命之徒見又被剿情急勢必擒掠裹脅劫殺焚燒且直東伏莽尙未肅清西路山陝密邇豫疆不可不防其竄越著文煜譚廷襄英桂瑛榮迅飭各該處防守官軍嚴密截剿如該匪闖入境內即著各就見在兵力痛加剿洗以免蔓延而除後患將此由六百里各諭令知之。○前兵部侍郎王茂蔭疏請優容言官並飭議政王專心機務事綜大綱均嘉納之。○允王茂蔭奏命總理各國事務衙門保舉司員以二年爲限。○辛卯諭議政王軍機大臣等勝保奏督飭兵勇擊退援賊軍事漸有轉機並苗練一律雉髮情願殺賊助餉及宋懷詩率眾潰逃專弁馳往截回各摺片覽奏俱悉逆匪盤踞越子鋪等處意圖阻遏官軍餉道該匪因循格林沁等督兵攻剿金樓擬擄豪耄老果紛紛向毫境撤退是勝保軍營後路情形已鬆正宜趁此聲威進援順郡著卽嚴飭前敵各軍催提後起兵勇奮力前進會同成大吉等軍偪城而壘迅解重圍毋得遷延貽誤並著僧格林沁督同毛昶熙將金樓匪迅速掃蕩出賊不意直隸老巢以期盡殲醜類至苗練部眾據勝保奏稱遵示雉髮見在設法離間粵捻以期誘擒首逆著卽密飭苗沛霖迅將張落刑殲除自明心迹毋得徒託空言致墮奸計宋懷詩降眾沿河西竄巴揚阿督兵

追尋如能將該逃勇等一鼓殲除則汴城兵勇可以抽調即著鄭元善親統馬步各隊馳赴槐店以爲勝保後路聲援楊飛熊一軍前已調往陳州汝防未免空虛並著鄭元善相機策應將此由六百里各諭令知之○添派都察院左都御史文祥恭理襄儀○癸巳嚴諭各直省督撫迅解京餉○甲午諭內閣勝保奏官軍進援穎郡疊獲全捷北面城圍已解一摺安徽穎州府城被粵捻各逆圍困經勝保督軍由太和進援本月初一日先飭官軍乘夜進剿將逆營大半焚毀初三日勝保親督各軍乘夜馳抵賊壕將鹿砦砍開該逆抵抗拒我軍衝冒矢石排至賊壘斃賊千餘名沙河等處逆匪糾黨來援官軍鏖戰兩時賊勢不支紛紛敗退官軍分路包鈔追殺立將東西浮橋焚毀該逆無路奔逃踉蹌抗拒官軍越橋而進壘中賊匪斬殺殆盡即與城內官軍會合北面城圍立解布政使賈臻在城上督巡見勝保之軍得力即飭守城各軍出隊夾擊同時參將范文英等帶勇直抵城南清河將賊橋二道拆斷其西南面賊匪亦經官軍擊斃多名是日計破賊巢十二處賊斃千餘名剿辦尙屬得手著勝保即飭將弁乘勝將東西南三面賊壘悉行掃蕩毋畱餘孽○諭議政王軍機大臣等勝保等奏官軍進援穎郡力破賊營會合穎軍夾擊大獲全捷立解北面城圍一摺已明降諭旨俟三面全行解圍後准將尤爲出力之員弁兵勇彙案保奏矣粵捻各匪圍攻穎郡北面賊營三座牆高壕深阻我進軍之路經勝保密飭將弁督率兵勇連日乘夜直撲賊營奪獲三壘復將附城賊壘六座攻克殺賊無算賈臻亦派隊出城會同勝保各軍兩路夾擊共毀賊營十三座浮橋五道賊勢不支紛紛敗竄惟穎州北面雖已解圍而東西南三面之賊尙復屯踞長壕以外據營死守亟宜乘此聲勢盡殲賊氛著勝保督飭各軍奮力前進楚軍已抵城南十八里鋪距穎不遠並著勝保密速約會南北夾攻其帶兵各將弁勝保當飭部下與之和衷共濟不可各存意見賈臻旣已出於危險亦當嚴飭防穎將弁出城會剿務將城外賊壘節節掃蕩以期廓清穎郡勿畱餘孽至苗沛霖因賊牽掣未能速抵穎州該大臣已飭其迅速進兵各節前據該大臣奏稱苗沛霖果誠心反正何難分撥練眾協助官軍僅以圍攻穎上爲詞未撥練眾助剿所謂與粵捻接仗十一次屢挫兇鋒者恐係該練飾詞衷懷尙萌叵測該練反正之心誠與不誠總以張浩刑一股能否殲除爲斷見在該大臣兵勢正盛足以辦賊自可毋須苗練之力如必須苗沛霖協助亦當於驅策之中寓防閑之意斷不可豫存成見姑容養奸見在城圍雖解一面其餘三面尙多屯賊恐其再合重圍勝保仍須督飭諸軍四面兜剿不可輕易入城致有疏失將此由六百里各諭令知之○乙未 上諭 大高殿祈雨○諭內閣袁甲三奏克復店埠要隘一摺逆首陳玉城添派賊首卜姓赴店埠防守經總兵張得勝等乘夜前往槍礮連環直抵該處石城我軍一擁而入立將卜賊砍倒賊眾驚潰我軍乘勢掩殺遂將店埠克復著

袁甲二仍飭張得勝等會同多隆阿等軍並該處團練將廬州巢縣一帶賊氛盡力剿洗勿畱餘孽○諭議政王軍機大臣等袁甲三奏江南髮逆分路渡江直撲江浦浦口兩城江邊營盤三座被賊攻陷復有偽護王等帶領悍賊徑撲六合縣城勢甚猖獗見派朱元興統帶兵勇前往接應並請飭令都興阿扼要嚴防以遏竄路等語江浦六合各城關緊沿江要隘爲逆匪所必爭之地前經諭令都興阿吳棠調派兵船分撥浦口並飭曾國藩迅籌水軍進剿原期上下游師船聲勢聯絡斷賊渡江之路迄今月餘黃彬等水師戰船未據都興阿等調赴該處卽彭玉麟李鴻章所部水勇亦無下駛消息以致該逆乘機偷渡蔓延江北該大臣等既已失策於先不可不力圖挽救曾國藩水陸各軍自克復無爲州運漕鎮後養精蓄銳將及半載著卽嚴飭各路將弁迅速攻取巢和以分賊勢李鴻章所統淮揚水師六千兵力不爲不厚何以戰船數百隻不能順流而下必須由和合陸路經行見關外國輪船業已雇就較之陸路可以暢行無阻著卽催令李鴻章星速前進截斷江面賊匪往來藉得兼顧浦六毋稍貽誤浦六等縣均係江北切要地方都興阿等責無旁貸自應力籌兼顧豈可視同秦越見在李世忠分投守禦仍恐兵力不敷著都興阿迅卽調派水陸各軍相機策應並著會同袁甲三督率李世忠等堵剿兼施邊賊北竄如再視爲泛常因小有意見以江浦等城盡委之李世忠而不顧設有疏虞惟都興阿是問至李世忠營餉項江北糧臺自應隨時撥解著吳棠迅將李世忠墊發銀米先行籌撥還款並前次犒賞銀兩一併解交仍著吳棠再籌善實款項每月接濟李世忠軍營務令士馬飽騰庶剿辦可以得力再據袁甲三奏探聞江南賊眾紛紛渡江有由舍和分股赴援廬郡之說見在埤店已克廬州賊勢日窮著曾國藩迅飭曾國荃多隆阿等分撥兵勇遏截援賊並會商袁甲三嚴密布置毋稍疏失將此由六百里加緊各諭令知之○諭鄭元善奏靖東營潰勇悔罪情願回營並豫省南路喫緊一摺據稱勇目宋傑詩自被追剿後通勝保派員招令回營見在悔罪乞恩卽發給口糧令隨同明慶由槐店前進攻擊種子鋪踞匪以通餉道並稱皖捻大股由東南竄撲沈邱項城分擾周口繞由西華徑撲上蔡屯撲西平且有欲往老河口轉竄陝西之語大股粵逆又由新蔡圍撲汝南郡城擬帶兵至許州駐紮各等語宋傑詩以鄉曲亂民未應早予正法經勝保帶赴皖省輒敢中途潛回抗拒官兵若非追剿緊急勢窮計蹙豈肯悔罪投到是於情法均無可貸鄭元善因勝保派員招回卽允其回營給予口糧辦理甚屬姑息惟業經該撫允其戴罪立功若再追治其罪恐號令不信卽著照所請飭令隨同明慶由槐店進剿種子鋪以通餉道第該勇目貨其一死已屬法外施仁如到營後立有奇功方准保奏勝保不得稍涉回護飾詞請獎致令賞罰倒置儻該勇目故態復萌不遵軍令卽予正法該大臣本能剿賊近以招降過眾後多反覆聲威甚減不可

不誠至院捻大股擄及周口撲犯西平等處而新蔡粵逆又圍撲汝郡是陳汝情形均形喫重張曜一軍既形單薄鄭元善所部兵勇亦僅止二千名恐不足以遏逆氛楊飛熊一軍前因潁郡後路喫緊諭令前赴槐店頃據勝保奏稱潁郡城圍已解是該副將一軍無庸援顧即著鄭元善前赴許州檄調該副將駐紮鄆城以杜北竄歸德兵勇如有可以酌撥分剿之處並著鄭元善商同毛昶熙妥為辦理其南汝各屬圍練並著飛調協剿以壯聲威前輪托明阿撥赴河南之馬隊五百名諒已到豫或酌調赴襄鄭堵邊以為楊飛熊等軍聲援均著鄭元善相機調度務當力遏兇鋒毋任紛竄將此由六百里各諭令知之○以阿克敦布為左副都御史由大理寺卿遷○丙申勝保賈臻奏二月初三日官軍將潁郡北路賊窟踏平後即於是日二鼓由臣勝保派令新紮城北各軍以五成扼守營牆餘俱分路進剿臣賈臻亦飭副將李璋等齊力攻擊時天色昏黑我軍悉沿賊濠放槍喊喊一面掩至東路賊壘然拋噴筒火彈賊越牆而奔我軍緊蹙賊蹤殺賊甚夥其偏至沙河西岸者淹斃尤多南面賊營聞風驚潰齊向西南兩路分竄昏暗自相踐踏死傷不能數計我軍就勢掃蕩西路羣賊亦各奪路奔逃不攻自潰是夜攻擊兩時之久共計踏毀東西南大小賊營三十七座賊卡四十餘處於初四日卯刻立解潁郡城圍附城四面漸就肅清臣勝保即入城安撫居民拊循士卒見在糧運已通人心大定惟兵力止有此數重圍雖解而敗殘賊眾未能悉數肅除訊據生擒賊供張落刑自攻破沙河東范圩即潛伏其中以爲藏身之固該圩近爲練總王金奎攻破張逆東遁潁上潮入圍城之中顧其家小並據苗沛霖密稟張逆見已入城因責成該練認真圍困設法擒獲兇渠至見在北路穩子舖尚有逆蹤新蔡之圍日久未解潁郡敗賊亦分竄東南與西北兩路應如何分兵截剿容臣勝保酌度緩急次第辦理上諭內閣勝保奏官軍乘勝攻剿潁郡東西南三面逆匪續獲全勝立解城圍一摺欽差大臣兵部左侍郎勝保自直東遼道赴援沿途獲捷深入疾進兩月之間擊散賊眾數萬立解重圍實屬謀勇兼備調度有方加恩著賞給兵部尚書銜並發去翡翠翎管一支白玉煙壺一箇白玉佩一件珊瑚豆大荷包一對交勝保祇領以示優獎三品頂帶安徽布政使署安徽巡撫賈臻堅守待援並派兵勇夾擊共解城圍亦屬勤勞倍著賞給二品頂帶並交部從優議敘○諭議政王軍機大臣等前有人奏勞崇光信任知縣許慶璐庇護保舉都司陶昌培藉端販運私鹽縱弁殘殺膜視京倉要需奏事欺蒙調度乖方濫收門生保舉不實任用奸胥始則畏懼洋人交密並收受署運司羅勳餽送內廷物件等款復有人奏勞崇光家人許慶璐冒捐知縣指發廣東該督仍留署內差遣都司陶昌培即降賊陶八專在省河包攬魚利勞崇光毫無覺察等情當經密加訪查所參各款均非無因本當立予罷斥逐款查辦姑念該督前在廣西巡撫任內辦理軍務有年尚能

堅忍耐苦且該督蒙 皇考特擢兼圻受恩至重未忍遽加嚴譴除陶昌培一員已諭令該督會同崑壽密速籌辦外其知

縣許慶璐以長隨蒙指官職包攬招搖大干例禁即著按律參辦毋許姑容沙棍馬逢亨如何包充胥吏通同舞弊多費銀

船霸占沙坦以致受害之家冤苦莫訴即著徹底訊辦盡法懲處至領運鹽引何以任令署運司羅勳道員段結家混分肥

鹽包捐項何以改爲鹽商公捐副將潘其泰赴援高州屢次敗退何以尙稱爲勁旅其保舉克復梧州出力人員內何員在

事出力並未列保何員未經在營得邀保舉民人莫如德徐恆昌請充厥書何以遽行給諭知縣五福被洋人籠畱何以輒

行坐視均著勞崇光按照被參各情逐款據實覆奏該督自蹈愆尤本已無可解免但能深知愧悔據實陳明貽誤於前者

尙可更正於後即斷不加以譴責儻剛愎任性不知悔悟徇庇私人始終回護不肯從實辦理則該督縱多方掩飾必能洞

燭其隱彼時不獨立予罷斥並當重治其罪不稍寬貸其羅勳饒送各件係屬內廷之物該督或未之知著卽開單進呈原

參摺片共六件均著鈔給閱看再勞崇光准令紳民包抽釐金以致物議沸騰英國新聞紙內有包抽釐金紳民繳報效銀

一萬兩隨禮亦一萬兩係知縣劉承綠等經手之說西江軍務誤於裁撤卓興一軍使賊得以占踞信宜直僞高郡等語所

參既確鑿有據諒非無因並著勞崇光據實覆奏毋許稍涉含混意存掩飾重干罪戾原片並著鈔給閱看將此由六百里

諭令知之○論據勝保等奏乘勝攻剿潯郡逆匪立解城圍二摺潯郡被圍日久經勝保督軍深入疊獲大勝立解城圍惟

敗殘賊眾尙多遁逃張落利洞入潯上圍城之中若不乘機併力剿除終爲皖豫巨患著勝保趁此聲威移師潯上務將張

落利股逆全行殲滅以除後患並可面諭苗沛霖責其殲斬張落利以明心迹儻該練徒以歸正爲詞又復心存回測依違

不前亦可密爲圖之該大臣大兵所指逆匪膽寒苗練已隸麾下自易察其真僞諒不至墮其術中也至穗子鋪尙有逆蹤

該處爲潯郡後路勝保亦當派撥得力將弁帶兵馳往剿除毋畱餘孽勝保此次深入重地以少擊眾力保危城深堪嘉尙

是以特經降旨優加獎勵該大臣斷不可志得意滿因此又招物議總當屏去嗜欲力戒驕盈以古名將自期時思克承思

眷見在潯上一帶伏莽尙多如能將張落利股匪悉數殲除苗沛霖一事辦理妥協永無後患兩時朝廷錄其幹濟之功必

當恩施特沛雖眾口悠悠無從讞議此則甚有望於該大臣也勉之所有潯郡布置善後安撫瘡痍各事宜並著賈臻

安爲經理將此由六百里諭令知之○論吳棠奏泗境另捻東竄請飭撥勁旅馳援並田在田奏收復眾興後疊次擊賊獲

勝餘匪遁回老巢各一摺捻匪由泗州境內北竄竊還東有東竄裏下河之謠經吳棠派隊扼擊據生擒匪首供稱此起捻首

李加英劉添幅等股因被僧格林沁擊敗不敢西竄見復裝旗意圖東擾震下河等語吳棠請飭僧格林沁撥馬隊二三千

名赴淮剿辦。格林沁察度情形酌量調撥。清淮一帶地廣兵單如捻股銳意東竄必須厚集勁旅方可遏此狂鋒。格林沁圖攻金樓能否得手務須通盤籌畫未可顧此失彼。田在田追賊復勝餘匪敗遁回巢著卽統率將領援應清淮務須滅此寇氛無任紛竄。吳棠身任地方責無旁貸著先就見有兵力嚴密堵禦並飛催田在田德榜額等軍同援俟兵力稍厚會合夾擊毋得專待。格林沁馬隊致滋貽誤。吳棠另片奏李世忠賞銀於王藻應交銀兩內備銀二萬兩見在均已籌解等語。王藻應交銀三十萬兩已陸續繳過若干著吳棠卽行詳查具奏。又田在田奏本籍被匪伊母欲於徐州暫住等情該總兵之母雖經來徐暫住惟軍營非奉養之地且各士卒誰無父母若紛紛效尤轉恐以私廢公。田在田仍應派人送母回籍一意勸賊國爾忘家以副委任。將此由六百里加緊各諭令知之。○諭馮子材等奏逆匪圖犯鎮城水陸喫重先期布置一摺。常郡逆匪數千竄至孟河一帶並由蘇杭等處擄掠礮船停泊常州東門外密圍出竄丹陽句容各集紛紛蠢動意欲齊集大股併力攻撲鎮江。雖經防守師船將魏村一帶賊船轟沈數隻剿敗沿江逆隊並將圩塘口逆匪擊退惟賊勢尙盛並未大受懲創難保不復集大股進撲鎮城。該提督務宜選派將士馳赴城外扼要紮營嚴密防守並隨時由城內出兵策應毋令賊匪偏近城壕致成坐困。前據都興阿奏稱偽護王等各率逆眾數萬渡江竄撲江浦浦口已諭都興阿就近策應茲據馮子材奏稱中關賊匪由九洲洲直撲浦口寶塔山分爲三股李世忠分投堵剿因賊勢過重尙在相持等語該提督前派駐防浦口等城兵力本不其厚此時賊匪麇集深慮兵力難與久持都興阿務當練派勁旅速往助剿將此股賊匪殲除以固江北大局其後股未渡各匪亦宜嚴飭上下游師船於江面截擊毋得再事玩誤致滋蔓延將此由六百里各諭令知之。○曾國藩彭玉麟奏粵逆盤踞東西梁山等處時圖上犯臣玉麟前往督飭各路水師分段守禦二月初三日東梁山僞愛王西梁山僞親王裕溪口僞善王糾合雍家鎮逆眾率黨六千餘人分股上竄一至五顯殿一取水家村一撲湯家溝管帶水師總兵李成謀飛商各營四路迎剿副將左光培帶所部礮船沿江而下總兵李朝斌由三山飛渡過江一同駛至五顯殿分隊登岸由下而上鈔賊後路賊眾駭竄適李成謀率參將何昌登等各派水師登岸從左路白茅營江邊迎頭掩擊敗賊溺斃無算維時中路副將羅進賢等各帶練勇登陸列陣賊由水家村直前拒敵抵死不退軍功戴德祥分隊覓水過港出賊不意將賊隊截而爲二奮力合攻賊始敗竄擒斬尤多其右路迎剿湯家溝之總兵李濟清等甫經出隊見賊沿隄布列勢甚兇悍副將彭楚漢率勇下隄繞出田坪大呼陷陣該逆不料我軍猝至懼斷歸路倉黃遁走前後斫斃羸輿一百餘名追殺數里餘匪仍竄回雍家鎮裕溪口一帶臣等查梁山等處賊匪率黨上竄其氣甚銳經此次痛剿實足以寒